

Dikemas kini pada 25 Januari 2021

## TERMA DAN SYARAT PERKHIDMATAN ASNB eCHANNEL

Terma dan syarat ini ("**Terma dan Syarat Perkhidmatan ASNB eChannel**") mentadbir penggunaan Perkhidmatan ASNB eChannel (seperti yang ditakrifkan) oleh Pelanggan sebagaimana yang disediakan oleh Hong Leong Bank Berhad [193401000023 (97141-X)] ("**HLB**") / Hong Leong Islamic Bank Berhad [200501009144 (686191-W)] ("**HLISB**") (selepas ini dikenali sebagai "**Bank**") dan hendaklah dibaca bersama-sama dengan Terma dan Syarat Penggunaan HLB Connect ("**Terma HLB Connect**").

### Takrifan

<b>"Penambahan Kegemaran"</b>	ertinya penambahan Akaun ASNB pihak ketiga ke dalam senarai Akaun ASNB kegemaran Pelanggan.
<b>"ASNB"</b>	ertinya Amanah Saham Nasional Berhad [197901003200 (47457-V)], sebuah anak syarikat milik penuh dan Syarikat Pengurus untuk Dana yang dilancarkan oleh Permodalan Nasional Berhad [197801001190 (38218-X)].
<b>"Akaun ASNB"</b>	ertinya Akaun Pemegang Unit yang dibuka dengan ASNB.
<b>"Perkhidmatan ASNB eChannel"</b>	ertinya kemudahan untuk melakukan perkhidmatan Pertanyaan Baki, Penambahan Kegemaran dan Pelaburan secara dalam talian dan pada masa nyata.
<b>"Pertanyaan Baki"</b>	ertinya penyemakan pegangan pelaburan terkini dan sejarah urus niaga Dana dalam Akaun ASNB Pelanggan dan Akaun ASNB minor yang berdaftar di bawahnya.
<b>"Pelanggan"</b>	ertinya pelanggan Bank yang mempunyai akaun semasa / akaun semasa-i atau akaun simpanan / akaun simpanan-i (" <b>CASA / CASA-i</b> ") dengan Bank, berdaftar untuk HLB Connect dan mempunyai Akaun ASNB.
<b>"Dana"</b>	ertinya- <ul style="list-style-type: none"><li>(a) Amanah Saham Bumiputera;</li><li>(b) Amanah Saham Bumiputera 2;</li><li>(c) Amanah Saham Bumiputera 3 - Didik;</li><li>(d) Amanah Saham Malaysia;</li><li>(e) Amanah Saham Malaysia 2 - Wawasan;</li><li>(f) Amanah Saham Malaysia 3;</li><li>(g) Amanah Saham Nasional;</li><li>(h) ASN Equity 2;</li><li>(i) ASN Equity 3;</li><li>(j) ASN Equity 5;</li><li>(k) ASN Equity Global;</li><li>(l) ASN Imbang (Mixed Asset Balanced) 1;</li><li>(m) ASN Imbang (Mixed Asset Balanced) 2;</li></ul>

(n) ASN Imbang (Mixed Asset Balanced) 3 Global;  
(o) ASN Sara (Mixed Asset Conservative) 1; atau  
(p) ASN Sara (Mixed Asset Conservative) 2;  
yang diuruskan oleh ASNB.

**“PIDM”** ertinya Perbadanan Insurans Deposit Malaysia, sebuah agensi kerajaan yang ditubuhkan pada tahun 2005 di bawah Akta Perbadanan Insurans Deposit Malaysia 2011.

**“Pelaburan”** ertinya pelaburan tambahan dalam Dana untuk Akaun ASNB Pelanggan, Akaun ASNB minor yang berdaftar di bawahnya atau Akaun ASNB pihak ketiga.

### **Umum**

1. Perkhidmatan ASNB eChannel membenarkan Pelanggan untuk melakukan Pertanyaan Baki, Penambahan Kegemaran dan Pelaburan secara dalam talian dan pada waktu nyata.
2. Perkhidmatan ASNB eChannel yang ditawarkan merupakan sebahagian daripada perbankan internet HLB Connect oleh Bank. Oleh itu, Terma dan Syarat Perkhidmatan ASNB eChannel ini hendaklah dibaca bersama-sama dengan Terma HLB Connect.

### **Prospektus Elektronik dan Halaman Serlahan Produk**

3. Sebelum melabur dalam Dana, Pelanggan dengan ini bersetuju untuk membaca dan memahami kandungan prospektus elektronik dan halaman serlahan produk Dana tersebut.
4. Dana hanya ditawarkan berdasarkan maklumat yang terkandung dalam prospektus elektronik; sebarang maklumat di luar prospektus elektronik adalah bukan sebahagian daripada prospektus elektronik tersebut.
5. Prospektus elektronik Dana boleh dicapai dengan mengetik pautan berikut:
  - (a) [Prospectus Induk](#);
  - (b) [Prospektus Induk Tambahan Pertama](#)
  - (c) [Prospektus ASN Imbang 3 Global](#)
  - (d) [Prospektus Tambahan Pertama ASN Imbang \(Mixed Asset Balanced\) 3 Global](#)
  - (e) [Prospektus ASN Equity Global](#)
6. Prospektus elektronik adalah disediakan untuk tujuan pemberian maklumat dan pengarkiban sahaja. Tempoh permohonan Dana berkenaan mungkin telah pun tamat.
7. Halaman serlahan produk Dana boleh didapati di laman sesawang ASNB ([www.asnb.com.my](http://www.asnb.com.my)).

### **Pertanyaan Baki dan Sejarah Urus Niaga**

8. Pelanggan boleh menyemak pegangan pelaburan terkini dan sejarah urus niaga Dana dalam Akaun ASNB Pelanggan dan Akaun ASNB minor yang berdaftar di bawahnya pada waktu nyata.

### **Penambahan Kegemaran**

9. Pelanggan boleh menambah Akaun ASNB pihak ketiga ke dalam senarai Akaun ASNB kegemaran pada waktu nyata bagi tujuan Pelaburan dan sebarang perkhidmatan lain yang diperkenalkan kelak. Pelanggan boleh juga mengeluarkan Akaun ASNB pihak ketiga daripada senarai Akaun ASNB kegemaran pada waktu nyata.

### **Pelaburan**

10. Pelanggan boleh membuat pelaburan tambahan dalam Dana untuk Akaun ASNB Pelanggan, Akaun ASNB minor yang berdaftar di bawahnya atau Akaun ASNB pihak ketiga pada waktu nyata. Pelaburan tambahan ini adalah tertakluk kepada had maksimum pelaburan dan kesediaan Dana.
11. Pelanggan dengan ini mengesahkan bahawa Pelanggan, minor yang berdaftar di bawahnya atau pihak ketiga yang dinamakan dalam Penambahan Kegemaran dan Pelaburan adalah layak untuk melabur dalam Dana sebagaimana yang dinyatakan dalam terma di bawah prospektus elektronik Dana tersebut.
12. Melainkan dimaklumkan sebaliknya (cth. penangguhan urus niaga Dana disebabkan oleh pengagihan pendapatan), Pelanggan boleh melakukan Pelaburan pada Waktu Operasi Perniagaan ASNB yang berikut:
  - (a) Dana Harga Tetap  
Pukul 7.00 pagi hingga pukul 7.00 malam dari hari Isnin hingga hari Ahad (termasuk hari cuti umum kebangsaan dan Wilayah Persekutuan);
  - (b) Dana Harga Berubah  
Pukul 7.00 pagi hingga pukul 4.00 petang dari hari Isnin hingga hari Ahad (termasuk hari cuti umum kebangsaan dan Wilayah Persekutuan).
13. Dana Harga Berubah (*Forward Pricing Fund* iaitu ASN Equity 5, ASN Equity Global, ASN Sara 2 & ASN Imbang 3 Global) akan dikira berdasarkan Nilai Aset Bersih ("NAB") pada hari penilaian berikutnya (contohnya jika pelanggan membeli dana hari ini, pelanggan hanya dapat mengetahui unit yang diperuntukkan pada hari bekerja berikutnya).

14. Pelaburan adalah tertakluk kepada Caj Jualan ASNB dan Caj Perkhidmatan Bank yang berikut:

Jenis Dana	Caj Jualan ASNB*	Caj Perkhidmatan Bank**
Dana Harga Tetap	Tiada	RM1.00
Dana Harga Berubah		
• Amanah Saham Nasional	2.00%	Tiada
• ASN Equity 2	2.00%	
• ASN Equity 3	2.00%	
• ASN Equity 5	2.00%	
• ASN Equity Global	2.00%	
• ASN Imbang (Mixed Asset Balanced) 1	1.75%	
• ASN Imbang (Mixed Asset Balanced) 2	1.75%	
• ASN Imbang (Mixed Asset Balanced) 3	1.75%	
• ASN Sara (Mixed Asset Conservative) 1	1.50%	
• ASN Sara (Mixed Asset Conservative) 2	1.50%	

*Nota:*

\* *Caj Jualan adalah berdasarkan Nilai Aset Bersih ("NAB") seunit.*

\*\* *Caj Perkhidmatan adalah untuk setiap urus niaga.*

15. Sebaik sahaja dihantar, permintaan Pelaburan adalah muktamad dan tidak boleh ditarik balik. Pelanggan bertanggungjawab untuk memastikan bahawa permintaan Pelaburan adalah lengkap, tepat dan betul sebelum meneruskan urus niaga tersebut.
16. Permintaan Pelaburan akan diproses apabila nilai Pelaburan dan caj berkaitan didebit dari CASA / CASA-i Pelanggan. Resit yang mengesahkan status Pelaburan akan dikeluarkan untuk rekod dan rujukan Pelanggan.
17. Bagi permintaan Pelaburan yang tidak berjaya, Bank akan mengkredit kembali nilai Pelaburan dan caj berkaitan yang didebit dari CASA / CASA-i Pelanggan (sekiranya ada, dan tertakluk kepada pengesahan serta pulangan oleh ASNB) dan mengemas kini status Pelaburan di HLB Connect dalam tempoh tiga (3) hari bekerja.
18. Pelanggan boleh menyemak status Pelaburan di HLB Connect. Sebagai alternatif, pelanggan boleh menghubungi Pusat Khidmat Pelanggan ASNB di 03 7730 8899 yang beroperasi dari pukul 8.00 pagi hingga pukul 10.00 malam dari hari Isnin hingga hari Ahad (kecuali hari cuti umum kebangsaan dan Wilayah Persekutuan).

#### **Keizinan untuk Mendedahkan Maklumat Peribadi kepada Pihak Ketiga**

19. Pelanggan dengan ini mewakili dan mengesahkan yang Pelanggan telah mendapat keizinan pihak ketiga yang dinamakan dalam Penambahan Kegemaran dan Pelaburan sebelum menyerahkan maklumat peribadi pihak ketiga tersebut untuk pungutan, pegangan dan penggunaan Bank sebagaimana yang dinyatakan dalam Notis Privasi Bank yang boleh dipinda dari semasa ke semasa.

**Risiko Bawaan Internet**

20. Walaupun Bank komited untuk mengambil langkah-langkah keselamatan terbaik bagi memastikan urusan niaga yang dilakukan di HLB Connect adalah selamat dan kukuh, masih terdapat risiko bawaan komunikasi internet yang di luar kawalan pihak Bank. Justeru, Pelanggan perlu sedar akan dan dengan ini sedia mengambil risiko bawaan tersebut apabila Pelanggan melakukan Perkhidmatan ASNB eChannel.

**Perlindungan oleh PIDM**

21. Dana adalah tidak dilindungi oleh PIDM. Wang yang dikeluarkan daripada deposit diinsuranskan Pelanggan untuk tujuan Pelaburan tidak lagi dilindungi oleh PIDM.

**Peringatan Penting:**

Sekiranya anda mempunyai pertanyaan atau memerlukan bantuan lebih lanjut untuk menjelaskan mana-mana bahagian terma dan syarat atau syarat kontrak, sila hantarkan e-mel kepada kami di [hlonline@hlbb.hongleong.com.my](mailto:hlonline@hlbb.hongleong.com.my)